

Doxduenq Sam Nyied Sam

□ Danz Hijvah / 谭喜花

Sai:

Sam nyied sam daeuj daengz,
Raeuz doxnyangz doiqfwen,
Nuengx sing fwen gokrwenz,
Haemhlwenz guh loq nyi.

Mbwk:

Beix gag gangj gag naeuz,
Raeuz mbouj baenzneix ndei,
Gangj doiqfwen yungzheih,
Nuengx cei q fug mwngz lai.

Sai:

Nuengx lumj duj vadauz,
Naj hoengzmaeq hau oi q,
Guh fwen beix nanz doi q,
Lumj moegloih fouz sing.

Mbwk:

Nuengx lumj duj vavengj,
Lengj mbouj beij va wnq,
Caemh doih daeuj hawfwen,
Haexmax wenj youq rog.

Sai:

Nuengx dwg duj vagim,
Vunz daeuj cim daeuj coh,
Beix lumj gaeq fwed yoq,
Mbouj gamj coh naj vunz.

Mbwk:

Dingq beix gij vah neix,
Gag ngeix gag siengj riu,
Beix ndangcangq sohsiu,
Sau daeuj ciuq daeuj coh.

Sai:

Ngoenzneix ndaej doxbungz,
Ciuhvunz geiq mbouj caenh,
Song raeuz miz yienzfaenh,
Caenh cingz niemh roengzbae.

Mbwk:

Caeuq beix doxbiek bae,
Ngaenzngwd laj goge,
Beix naihsim bae deq,
Daengz bande caiq daeuj.

Ganj Hawfwen

□ Vangz Civeij / 黄志伟

Sam nyied riengz rumz daengz,
Haeuxnaengj homfeifei,
Cosam dwg ngoenzndei,
Seicingz sij hawj nuengx.

Sam nyied cosam raeuj,
Doxcaeuq bae hawfwen,
Siengj nuengx ndwen dem ndwen,
Bae hawfwen guhcaemz.

Gaem fwngz nuengx gvaq loh,
Bae Hawmoz fwen doi q,
Mbawfaex did heuoi q,
Boiq seizcin daeuj daengz.

Dou daeuj daengz Hawmoz,
Sing go cienz okdaej,
Vunz youz byaij raen gyaeuj,
Boux haeuj youh boux ok.

Gou daj ndaw daehcoeng,
Soengq hawj nuengx aen goenh,
Nuengx angq raemxda loenq,
Lumj fwnmoenq daeuj daengz.

Nuengx soengq hawj aendomq,
Fwngz gomq sim yied diemz,
Dawz haeuj rungj bae diem,
Niemh dahnuengx cingzngeih.

Hawfwen caen nauhyied,
Vunz yied daeuj yied lai,
Bouxmbwk caeuq bouxsai,
Sim hai va gyau youx.

Fwen doi q daengz mbwn laep,
Cingz naek youq ndawsim,
Ngoenzneix biek nuengxgim,
Dauqbae ninz mbouj ndaek.

Daengngoenz Baihdoeng Mbouj Rox Doek

—Cimh Riz Bak Bi Cungguk Gungcanjdangj

□ Cingh Swmungz / 清似蒙

Neix bya sang dah gvangq,
Roeng goz dangq saejyienz,
Vunzdig gyaep laeng riengz,
Mieng yaek mied hungzginh.

Gvaq Cizsuij sei q baez,
Cuenq bae youh cuenq dauq,
Mauz Cwzdungh lingjdauj,
Laux Ciengj gyaep mbouj dawz.

Daengz Gveiyangz mbouj haeuj,
Cix yaeuh hoenx Gunhmingz,
“Dieg mbouj sam cik bingz”,
Cing ndaeng vunzdig cuenq.

Mbouj roengzmok cix fwn,
“Mbwn ndi sam ngoenz gvengq”,
Doh gvaq Ginhahyangh,
Laux Ciengj dadaengz ndwi.

4. Guh “Yizhaij Gietmaengz”

Ndaemq haeuj Daliengzsanh,
Byaij diegmbanj Yizcuz,

Neix aen biengz nungznuz,
Daemjdu geij mbouj ndaej.

Raen hungzginh daeuj daengz,
Dawz nangx laengz dangqnaj
Hat mbouj cinj byaij gvaq,
Swenj gaj vunz faeg vunz.

Liuz Bwzcwnz okdaej,
Caeuq Yezdanh doxyaeng,
Guh “Yizhaij Gietmaengz”(Yizhaij
Gezmungz),
Gapguh baenz beixnuengx.

Ndaej beixnuengx daiq roen,
Soengyungz gvaq Liengzsanh,
Ndaej vaq yiemj vaq nanh,
Ndaej dingz langh dingz rumz.

Gauj minzcuз doxgiet,
Dieg neix guh ndaej ndei,
Daj mbat neix doxbae,
Gaklengq daeuj ei yiengh.

5. Ak Dangq Gyoengq Saenzsien

Ranghdieg Daduhoz,
Ngozgoz bya sangsum,
Raemxdah laehumhum,
Lumj cienfanh max guengz.

Hungzginh daengz gizneix,
Seiqmienth deng fung roen,
Gizgiz cungj mbouj doeng,
Mokhoenz roemj dangqnaj.

Moeb roengz Anhsuncangz,
Youh vang gvaq dahyiemj,
Cibcaet boux bingciengq,
Hoenx ciemq gvaq dah bae.

Hungz sei q donz vaiqriengj,
Buet ciengj Luzdinggyauz,
Baetcauz gyoengq fangziu,
Byaij diuzgiuz gvaq dah.

Dwk hoenx giz youh giz,
Ciengj Gaisiz gikheiq,

“Siz Dazgaih bouxngeih”,
Mbouj ngeix duet deuz bae.

Byafangz Gyazginhsanh,
Fanh sei q ndi vunz daengz,
Hungzginh dangq bingsaenz,
Byanae laengz mbouj ndaej.

Daengz Maugungh doxcomz,
Song bang caez doxgap,
Miz saeh ndaej caemh rap,
Doxgap engq miz rengz.

Dawh cug guh baenz bog,
Beij cikdog genq lai,
Caih rengz cwz rengz vaiz,
Euj dai euj mbouj raek.

Cangh Gozdauh yaemmaeuz,
Aeu cungq cijveih dangj,
Yienghyiengh gag cujcangh,
Deng Cunghyangh baebingz.